

ТРОПАРИ, КОНДАКИ, МОЛИТВЫ И ВЕЛИЧАНИЯ НОВОМУЧЕНИКАМ И ИСПОВЕДНИКАМ СОЛОВЕЦКИМ

ОГЛАВЛЕНИЕ

Собору новомучеников и исповедников Соловецких	2
Преподобномученикам Вениамину и Никифору	4
Священномученику Петру	5

Собору новомучеников и исповедников Соловецких ***10/23 августа.****Тропарь, глас 1-й**

Землі Соловецтей всемірную славу стяжаєте, Голгофы російскія образ священный явили есте, венцы нетленными от Бога увенчаесте мук лютых терпением, отоки богоизбранныя напоивше обильно безвинною кровию. Новомучеников Соловецких множество, страдания великими вашими дерзновение в вышних обретосте: испросите нам у Господа покаяние и грехов прощение, да сподобит нас благий конец воспринять, и Царство Небесное вкупе с вами наследовати.

Тропарь молебный, глас 4-й

Подвиги иноческими освященные отоки славою мученическою увенчали есте, страстотерпцы Соловецтии, во страданиях и смерти Христу Богу подражатели явились есте; со святителем Петром молитесь Человеколюбца Господа, обители сей и Отчеству нашему в мире спастися.

Кондак, глас 2-й

Светлое воинство новомучеников Соловецких с Небесными лики Престола Божию ныне предстоит: тех бо страдания попираются врата ада, исповедничества подвигом отверзаются райския двери; тии бо за Христа мучени исполниша святину древния обители, от гор Голгофы и Секирныя в мир горний шествие творяще, процветоша яко крини в Царстве вечнаго блаженства. Мы же память благоговейную о вас всегда храним, достопокланяемии сродницы наши: заступайте нас от всякия напасти вражия, смиренно молим вас.

Молитва

О достохвальный и досточтимый великоименный соборе новых мучеников и исповедников Соловецких! Слава о великих страданиях ваших пройде даже до конца вселенныя; священнии сий отцы потрясошася, и вся земля вострепета и ужасом исполнися о муках лютых, яже вы за Христа претерпели есте. За умножение беззаконий и отступление от веры буря злодеяний поколеба великую Российскую державу, силою мною обрушися на святых

* *Молитвословия Собору новомучеников и исповедников Соловецких благословлены Святейшим Патриархом Московским и всея Руси Алексием II для богослужебного использования в Соловецком монастыре и его скитах и подворьях.*

Соловецкія отоки, в мѣри мученическія крѣви потопіти их хотящи, богомѣрзкими деяніи оскверняюще древнюю обитель, самую же память о святѣни истребити тщящися. Кѣе зло ни сотвори здѣ ярость сатанинская? Кую мѣку православному ни измѣсли изощреннѣй разумъ дѣаволь? Мѣрю Бѣлому вдѣшася страдальцы, безбожными мучители потопленныя; езера водная имут останки страстотѣрцев; кажда пядь священныя земли сея напитана есть крѣвию безвинною убиенных и умученных архiereев и священников, монахов и мирских, всякаго звѣния и вѣзраста вѣрных. Тѣи же вѣру Христову твердо храняще, не отступили суть предъ силою вражью; Царства Небеснаго приснии жители явѣшася, к лику избранныхъ Божіих причтѣннии. О славное и чудное воинство новомучеников и исповѣдников Соловецких, егѣже предваряетъ Вениамин прехвальнѣй, инокомъ обители сея начальникъ богомудрѣй! Смирѣнно мѣлимъ вас, предъ Богомъ дерзновение имѣющихъ: молите за обитель Соловецкую, милостию Божіею нынѣ паки воставшую; за ны недостѣйныя жители ея, дабы вѣремя сіе благоприятное намъ к пользе душевнѣй и ко спасѣнію нашему употребити. Молитесь, присноблаженнии, за нашу державу Россійскую, во еже свободитися ей отъ власти тѣмныя, и к свѣту правды Божія воспрѣнуги, да паки процветѣтъ во всякойъ благостѣни. Всему же роду православному испросите дѣуха мира и любве Христовы, и благодѣти исполнѣния, да тою сохраняеми, вся претерпѣвши до концѣа, спасѣни бѣдемъ, и в радости Господнѣй водворимся, славяще о всемъ Вседержителю и Благотворителю, единому в Троице Бѣгу, Отцѣ и Сѣну и Святаго Дѣуха, во вѣки вѣковъ. **Аминь.**

Величание

Величаемъ вас, святѣи новомученицы и исповѣдницы Соловецкіи, и чтимъ честная страдания ваша, яже за Христа претерпѣли есте.

**Преподобномученикам архимандриту Вениамину
и иеромонаху Никифору, новомученикам Соловецким ***

4/17 апреля.

Тропарь, глас 5-й:

Преподобнии новомученицы Вениамине и Никифоре, во светонóсных дни Воскресения Христова пострадавшии, вы добрым подвигом во обители Соловецкѣй просияли есте, и наставницы братии в заветех иноческих явились есте, сохраняя чада Божия от расхищения, и святѣни от бесовскаго поругания: тем же и Господь дарует вам в Царствии Небеснем мученическия венцы. На земли же претерпесте от безбожник насилие и изгнание, богомудрии, и в пламени огня души своя Владыце Христу предали есте, Ему же ныне со Ангелы предстояще, за обитель сию и люди российския молите помилватися и спастися всем нам.

Кондак, глас 7-й:

Божественными страданиями, яже за Христа прияли есте, радующеся, отцы всеблаженнии, яко злато в горниле души своя во огни очистили есте; преподобным отцем в житии, и мучеником во исповедании веры равнии, во обители горния ко Владыце своему ныне преселитесь; сего ради вас прилежно чтим и ублажаем, преподобномученицы Вениамине и Никифоре.

Молитва

О досточудная двоице преподобных отец, новомучеников и страстотерпцев Соловецких, начальниче монахов богомудре Вениамине и верный помощниче его Никифоре! Благонравием вашим и твердою верою благодать у Бога и человек снискали есте, образ истиннаго служения Господу иноком являетесь, наставляюще тех в путех праведных неуклонно ходити. Силою Божиею и великою любовию вашею нестроения в житии братством укротивше, в мире и благочестии святую обитель Соловецкую до конца соблюдать тщались есте. Егда же во дни гонений лютых на Церковь Божию мрак беззаконий найде на святый оток сей, вы страха вражия не устранившись, в подвиге исповедания веры Христовы светло просияли есте, и слава сия древния обители страданиями

* *Молитвословия прмчч. Вениамину и Никифору благословлены Святейшим Патриархом Московским и всея Руси Алексием II для богослужебного использования в Соловецком монастыре и его скитах и подворьях.*

ва́шими умно́жися. Кончи́ну му́ченическую во изгна́нии в земли́ Арха́нгельстей от слуг сатанины́х, отцы́ богоблаже́ннии, прие́мше, в ра́дость ве́чную Ца́рства Небе́снаго невозбра́нно внидо́сте; те́мже мы вас моли́твенников дерзнове́нных у Престо́ла Бо́жия за ны обрето́хом. Мо́лим вас, прі́снии засту́пницы на́ши: испроси́те у Бо́га нам дни своя́ на земли́ безмяте́жно сконча́ти в соблюде́нии ве́ры и істи́нныя любве́ Христо́вы; оби́тели ва́шей умоли́те до сконча́ния ве́ка в неврежде́нии от враг ви́димых и неви́димых пребыва́ти, по́двигом до́брым бра́тии ея́ подвиза́тися, вся созида́юще ко сла́ве Го́спода, И́же вели́каго ра́ди Своего́ милосе́рдия да не оста́вит нас благодатною по́мощию Своёю, да прости́т нам вся прегреше́ния на́ша, и да пода́ст душа́м на́шим спасе́ние ве́чное. *Ами́нь.*

Величание

Велича́ем вас, преподобномученицы́ Вениаміне и Ники́форе, и чтим честна́я страда́ния ва́ша, я́же за Христа́ претерпе́ли есте́.

*Священномученику Петру, архиепископу Воронежскому, новомученику Соловецкому **

25 января / 7 февраля и 4/17 июня.

Тропарь, глас 4-й

Ве́рою пла́менною апо́столу Петро́у подо́бся, та́же и трикра́тным слы́шанием воззва́ния Христо́ва, ду́шу твою́ за Того́ положи́л еси́, святі́телю о́тче Пётре, ка́меню твёрдый Цёркве Правосла́вныя; свети́льниче во мра́це беззако́ний добродетельми сия́й, ра́достью страда́ния за Христа́ претерпе́ти изво́лил еси́, со испове́дники и страсотёрпцы́ Росси́йскими; моли́ся с ни́ми о нас, архиере́ю Бо́жий, священномучени́че Солове́цкий.

Другой тропарь, глас 4-й

До́брый па́стырю и стро́гий испо́лнителю за́поведей Бо́жиих, ревни́телю благоче́стия и сто́лпе утвержде́ния, священномучени́че Пётре: пребыва́я во ото́це А́нзерстем, в годи́ну лю́тых гоне́ний не убо́ялся еси́ испове́дати ве́ру Христо́ву, и претерпе́л еси́ да́же до сме́рти; ны́не же, я́ко име́я дерзнове́ние и предсто́я Престо́лу Госпо́дню, моли́ Христа́ Бо́га спасти́ся душа́м на́шим.

** Молитвословия сщмч. Петру благословлены Святейшим Патриархом Московским и всея Руси Алексием II для богослужебного использования в Соловецком монастыре и его скитах и подворьях.*

Кондак, глас 8-й

Во святительстве твоём добре подвижался еси, богомудре, и мученичества венцем светло украсился еси, прещения врагов Христовых не утравився, кровью твоими землю во отце Анзерстем освятил еси; сего ради силы Небесныя удивилася терпению твоёму, мы же с верою и любовью притекаем ко святым мощам твоим, досточудне; ныне со всеми новомученики Российскими моли о нас Христа Бога, всеблаженне Петре, да зовем ти: радуйся, отче приснопамятне.

Другой кондак, глас 6-й

На любовь Божественную всем сердцем отозвываясь, вся яже возмогл благая, Тому воздал еси, златоустый правды Божия проповедниче, златосердый хранителю таин Господних, Фавора славнаго святительское отражение, Голгофы Анзерския жертво всесовершенная: исповедниче Христов, священномучениче Петре, поминай нас, любовь чтущих святую память твою.

Молитва

О досточудне Петре, священномучениче и страстотерпче славный, един от сонма новомучеников Соловецких и всей земли Российския, граду Воронежу похвало, пастырю дивный стада Христова, верный служителю Божий, защитителю ревностный Церкви Православныя! Все житие твое любве ко Господу и страданий о Христе исполнено: многи мучения, болезни и скорби, изгнания и заточения Того ради претерпев, исповедник безстрашен явился еси, и венцем нетленных твоей славы украсил еси Церковь Русскую. Вся предав в руке Божии, доблественне службу твою на земли совершив, в Голгофе Анзерстей кончину мученическую прияти сподобился еси, богоблаженне. Ныне к Небесному лику причтенный, в Царстве Божественныя любве пребываеши, со многими жители горняго Иерусалима исполнения жертвы мученической за Христа ожидая: егда вся имже належит быти, совершатся в пределех земных. О пресвятый отче наш Петре, помози нам храмину сердца своего незапустевшу хранить, научи нас радость во страданиях о Христе обретати, озари путь наш крестным сиянием твоей святыни; буди и ныне нам утверждение в вере, да пришед обретет ю Господь не угасшу; умоли Творца всяческих даровати нам силу и крепость духовную: да не утравившися страха лукаваго, исповедаем твердо Христа, и Его милосердием части злых избавимся в День страшный воздаяния, и в радость вечную вселимся,

сла́вяще о всем Вседержителя́ Бóга, и твоё благодáтное предста́тельство, во ве́ки веко́в. **Ами́нь.**

Другая молитва

О свяще́нная и многострада́льная главо́, земный́ А́нгеле и Небе́сный челове́че, священномучени́че и чудотво́рче Пётре! Ты, архиере́ю вели́кий, в го́дину лю́тых гонéний яви́лся еси́ церко́вное свети́ло и и́стинныя ве́ры утвержде́ние, зане́ проти́ву богобо́рцев дерзнове́нно Христа́ испове́дал еси́, и я́ко кади́ло благово́нное, в же́ртву Бóгу себе́ самаго́ прине́сл еси́. Яви́ нам смире́нным и грéшным, ко святы́м мо́щем тво́им притека́ющим, многомо́щное твоё заступле́ние, и вку́пе со все́ми святы́ми, во о́тце Соловѣцтем просия́вшими, испроси́ у Го́спода всякий да́р, коему́ждо благопотре́бен ко спасе́нию. Се бо грех на́ших ра́ди не ймамы дерзнове́ния ко Го́споду и Влады́це на́шему, и пра́ведный гнев Егó на ны наведо́хом, и вся́кия ми́лости недостóйны сотвори́хомся. Темже не сме́юще возвести́ очеса́ на́ша к высоте́ Небе́сней, ниже́ моле́бный глас ко Го́споду, се́рдцем сокруше́нным и смире́нным дýхом тебе́ моли́твенника благоприя́тного к Немú предлага́ем, и про́сим тя со усéрдием ве́лиим: бу́ди заступник и ходата́й наш пред Бóгом, Судие́ю пра́веднейшим, я́ко согреше́нии мно́гими вину́ прогневлѣем Егó. Ны́не у́бо во сла́ве Небе́сней пребыва́я, и с ли́ки святы́х непреста́нно славосло́вля пресвято́е ймя Го́спода, при́зри на нас грéшных, и изба́ви всех, ве́рою несумне́нною к Бóгу приходя́щих, от вся́ких неду́гов душе́вных и телéсных, от всех томле́ний и прило́гов диа́волих; укроти́ во́лны страсте́й и искуше́ний, воста́ющих на ны, да ра́ди святы́х тво́их моли́тв не обы́мет нас напа́сть, и не погрязнем в пучи́не грехо́вней. Вознеси́, богоно́сне о́тче наш, сие́ ма́лое моле́ние недостóйных раб тво́их Влады́це Христу́, да утверди́т стра́ждущую страну́ на́шу Росси́йскую в пра́вой ве́ре и благоче́стии, Цѣрковь святу́ю да сохрани́т от ересей́ и раско́лов, и соблюде́т невредиму́ от вся́каго зла. Испроси́ у великодарови́таго Христа́ Бóга на́шего скорбя́щим утеше́ние, недугу́ющим исцеле́ние, оби́димым заступле́ние, стра́ждущим от бесо́в ско́рое свобождéние, па́дшим во грехи́ покая́ние и воста́ние, от Цѣркве Христо́вы отпа́дшим вразумле́ние и на путь спасе́ния обра́щение. Ты мучени́чески дýшу твою́ за ве́ру положи́л еси́: да́руй и нам мýжество во всем подража́ти тебе́, да ничто́же в жи́зни сей вре́менной возмо́жет отлучи́ти ны от любве́ Бóжия. О святите́лю Христо́в, посети́ ме́сто сие́, страда́нии тво́ими честны́ми освяще́нное, и укрепи́ моли́твами тво́ими святу́ю оби́тель сию́, да процветéт в ней

йстинное благочестие. Ты непрестанно о часе смертнем память имевый, и благоую часть избранных Божиих от Господа получиый, сподоби и нас в мире и покаянии живот свой скончати, и Царствия Божия наследники быти, идеже ты водворяешия со Ангелы и всеми святыми, хваля Бога, в Троице славиимаго, Отца и Сына и Святаго Духа, во веки веков. **Аминь.**

Величание

Величаем тя, святыи священномучениче Петре, и чтим честная страдания твоя, яже за Христа претерпел еси.